

CHOUBEESWAAN PARA (JUZ) KA MUQTASAR TA'ARRUF

Disclaimer:

Arshad Basheer madani ke urdu books ko Roman English mai lane wale ahabab Mubarakbadi ke mustahiq hai ke unoun ne asan kia urdu reading Na janne Waloun ke liye

الحمد لله

فجزاكم الله خيرا

Note : arshad basheer madani ne Word to Word check nahi kia Kiunke bohot books ko roman Kia gaya un sab ko Check karna asan nahi, time ka commitment deegar Urdu books Aur syllabus par laga huva hai is liye badi mazirat ke sat arz hai ke jahan kahin apko pronunciation ya talaffuz mai Diqqat lage Urdu Janne Waloun se asal Kitab ki taraf rujoo farmaen in sha Allaah in sha Allaaah

Askislampedia ki Team ka shukriya ke Roman mai book lane mai madad faramee

Khas tour se

Riaz bhai , shaikh abdullah Umeri, faheem iqbal , Mushtaq ahmed Aur baz sisters bhi hain jo madad kie Aur kuch brothers bhi madad kie Likin ijazat nahi hai ke unka naam zikr Kia jae Allaah qabool farmae sab ki mahant

Ameen

Shukriya

Shoba e nashro ishaat,

Askislampedia

PARA 24 – FAMAN AZLAMU

CHOUBEE SWEN PARE KO AHLE ILM NE SATTAAEES (27) UNITS ME TAQSEEM KIYA HAI JO HASBE ZEL HAI :

UNITS KE HISAAB SE PARA NO 24 “FAMAN AZLAMU” KI AAYAAT AUR MAZAAMEEN KI TAQSEEM

UNITS	AAYAAT	MAZAAMEEN
SOORAH ZUMAR		
Unit no 1	32 – 37	Kaafir ke liye wayeed momin ke wadeh ka bayaan.
Unit no 2	38 – 40	Quraish Makkah ke kufr wa shukr ka bayaan.
Unit no 3	41 – 48	Allaah Taala ki nishaaniyon par ghour wa fikar karne ki daawat ka bayaan.
Unit no 4	49 – 52	Insaan ke gham aur khushi ki haalat ka bayaan.
Unit no 5	53 – 59	Sakraatul maut ke waqt toubah kisi kaam ki na hogi.
Unit no 6	60 – 67	Shirk tamaam aamaal ko barbaad kar deta hai.
Unit no 7	68 – 70	Soor phoonke jaane ka bayaan.
Unit no 8	71 – 75	Qiyaamat ke din achhe aur bure ke isteqbaal ka bayaan.
SOORAH GHAAFIR / MOMIN		
Unit no 9	1 – 6	Kaamyab hona ahle eemaan ka khasiyah hai.

Unit no 10	7 – 9	farishte musalmaano ki madad karte hai aur unke liye duayen karte hai.
Unit no 11	10 – 12	Mushrikeen ke anjaam ka bayaan.
Unit no 12	13 – 17	Allaah ki asma wa sifaat ka bayaan.
Unit no 13	18 – 22	Qiyaamat ke marahil aur Allaah Taala ke adl ka bayaan.
Unit no 14	23 – 50	Daayiyon ki sifaat ka bayaan.
Unit no 15	51 – 55	Momino ki madad wa nusrat ka bayaan.
Unit no 16	56 – 59	Mushrikeen ke shirk ki wajah ka bayaan
Unit no 17	60 – 68	Momino ki hidayat aur rahnumayi ka bandobast.
Unit no 18	69 – 77	Aakhirat me mushrikon ke azaab ki nau'wiyat ka bayaan.
Unit no 19	78- -85	

SOORAH FUSSILAT / HAA MEEM SAJDAH

Unit no 20	1 – 8	Quraan Majeed ka ta'arruf, Allaah ke Nabi ﷺ ki sifaat ka bayaan.
Unit no 21	9 – 12	Kaaynaat ki nishaaniyaan ba taur hujjat bayaan kee gayi aur Allaah ke Nabi ﷺ ki daawat ka tazkirah.
Unit no 22	13 – 18	Mushrikeen Makkah aur saabiqa qoumon ka haal ek jaisa tha.

Unit no 23	19 – 24	Mushrikon ke anjaam ka zikar aur unki khaal ke gawahi dene ka bayaan.
Unit no 24	25 – 29	Mushrikeen Makkah ki zid, hat dharmi ka bayaan.
Unit no 25	30 – 36	Makkah ke mushkil haalaat ka bayaan.
Unit no 26	37 – 40	Aafaaq wa anfus ki nishaaniyon ke zariye hujjat ka bayaan.
Unit no 27	41 – 46	Quraan ki sifaat ka bayaan.

Unit no 1 :

Choubeeswaan para soorah Zumar, soorah no 39 ki aayat no 32 se lekar 37 me kuffar mushrikeen ko azaab ki wayeed sunayi gayi aur momin ke liye jannat aur deegar n'ematon ka waada bayaan kiya gaya.

Unit no 1 : Ke Mauzoo'aat

- Sachchon ka badla (33-35)
- Nafa wa nuqsan ka maalik sirf Allaah, mushrikeen ke aqayed ka ibtaal, nuzool Quraan (36-41)

Unit no 2 :

Choubeeswaan para soorah Zumar, soorah no 39 ki aayat no 38 se lekar 40 me bataya jaa raha hai ke gumraah ho gaye, haalan ke jab unse poocha jaata hai ke aasmaan aur zameen ko kisne paida kiya hai to vo kahte the ke, Allaah Taala ne paida kiya hai, aur jab faayda wa nuqsan ke baare me poocha jaata to vo apne khud saaqta m'aaboodon ka hawala pesh kar dete, iske baad kaha gaya, Aye Nabi ﷺ Aap kah deejiye

ke, Allaah Taala mere liye kaafi hai fir dekhte hai ke kis par azaab naazil hota hai aur kis par Allaah ki in'aamaat naazil kiye jaate hai.

Unit no 2 : Ke Mauzoo'aat

- Nafa wa nuqsaan ka maalik sirf Allaah, mushrikon ke aqayed ka ibtaal, nuzool Quraan (36-41)

Unit no 3 :

Choubeeswaan para soorah Zumar, soorah no 39 ki aayat no 41 se lekar 48 me bataya jaa raha hai ke, Allaah Taala ki nishaaniyon par ghour wa fikar karo, hamari thakaan door hone ke liye Allaah Taala ne hame neend jaisi n'emmat ata ki hai.

Unit no 3 : Ke Mauzoo'aat

- Allaah ki qudrat, mushrikon se manaqasha, qiyaamat ke roz zaalimon ka haal, tangi aur kushaadgi me insaan ki tabiyat, rizq Allaah ke haath me hai (42-52)

Unit no 4 :

Choubeeswaan para soorah Zumar, soorah no 39 ki aayat no 49 se lekar 52 me bataya jaa raha hai ke, insaan haalat gham me kuch aur hota hai aur khushi ki haalat me kuch aur hota hai, lihaza yahaan par dono haalat me tawaazun bar qaraar rakhne ki naseehat kee jaa rahi hai.

Unit no 4 : Ke Mauzoo'aat

- Allaah ki qudrat, mushrikon se manaaqaana, qiyaamat ke roz zaalimon ka haal, tangi aur kushaadgi me insaan ki tabiyat, rizq Allaah ke haath me hai (42-52)

Unit no 5 :

Choubeeswaan para soorah Zumar, soorah no 39 ki aayat no 53 se lekar 59 me bataya jaa raha hai ke, waqt rahte Allaah Taala ki taraf rujoo karlo ghar ghare maut aur sakraatul maut ke qareeb rujoo karna kisi ke kaam na aayega aur qareeb qiyaamat toubah ke darwaaze band kar diye jaayenge, us waqt bhi toubah aur Allaah ki taraf rujoo karna kisi ke kaam na aayega.

Unit no 5 : Ke Mauzoo'aat

- Allaah ki bando ko toubah aur anaabat ki daawat (53-55)
- Allaah ki daawat par kaan na dharne waalon ka anjaam aur momino ka ba roz qiyaamat loutna (56-61)

Unit no 6 :

Choubeeswaan para soorah Zumar, soorah no 39 ki aayat no 60 se lekar 67 me qiyaamat ke din ki houlnaakiyaan batayi jaa rahi hai, aur Allaah Taala ki wahdaaniyat, ruboobiyat aur uloohiyat bayaan ki jaa rahi hai, aur kaha jaa raha hai ke jisne bhi shirk kiya uske tamaam aamaal ikaarat kar diye jaayenge.

Unit no 6 : Ke Mauzoo'aat

- Allaah ki wahdaaniyat, shirk ki nafi (62-67)

Unit no 7 :

Choubeeswaan para soorah Zumar, soorah no 39 ki aayat no 68 se lekar 70 me soor phoonke jaane ka bayaan zikar kiya jaa raha hai.

Unit no 7 : Ke Mauzoo'aat

- Soor phoonka jaayega aur hisaab liya jaayega, kuffar aur momino ka haal aur unka anjaam, ba roz qiyaamat Allaah ki azmat (68,75)

Unit no 8 :

Choubeeswaan para soorah Zumar, soorah no 39 ki aayat no 71 se lekar 75 me ye bataya jaa raha hai ke qiyaamat ke din nek aur saaleh logon ka isteqbaal bade hi pur tapaak andaaz me kiya jaayega, aur jo badkaar kaafir aur munafiq honge unko muh ke bal ghaseet kar jahannam ke hawaale kar diya jaayega.

Unit no 8 : Ke Mauzoo'aat

- Soor phoonka jaayega aur hisaab liya jaayega, kuffar aur momino ka haal aur unka anjaam, ba roz qiyaamat Allaah ki azmat (68,75)

SOORAH GHAAFIR / MUMIN

The forgiver / The Believer

Toubah Qubool karne waala / Mumin

Maqaam Nuzool – Makkah

FIR'OUNA MAA UREEKUM ILLA MAA ARAA WAMA AHDIKUM ILLA SABEELAR RASHHAD) (Ghafir) Is aayat me nukta ki baat ye hai ke rajal momin ne mulk wa hukumat ki nisbat qoum ki taraf ki taake pata chale ke mai hukmaraani ka khwaahishmand nahi hoon, ye mulk to tumhara hai, jab azaab ki baat aayi to khud bhi shaamil ho gaye, isme qoum se intehaayi muhabbat ki daleel hai.

- **Qoum se muhabbat najaat ki fikar aur anjaam ka dar :**
Qaala Taala : (WAQAA LALLA ZEE AAMANA YA QOUMI INNI AQAAFU ALAIKUM MISLA YOUMIL AHZAAB. MISLA D'AABI QOUMI NOOHIN WA AADIN WA SAMOODA WALLAZEENA MIM B'AADIHIM WAMALLAHU YUREEDU ZULMAL LIL IBAAD) (Ghafir)
- **Taareeq se istedlaal :** **Qaala Taala : (WALAQAD JAA'AKUM BIH, HATTA IZAA HALAKA QULTUM LAN YAB'ASALLAHU MIM BAADIH, RASOOLAN KAZAALIKA YUZILLULLAHU MAN HUWA MUSRIFUM MURTAAB)** (Ghafir) Guzishta ummat ki taareeq se istedlaal, unke anjaam se baa khabar aur unse ibrat haasil karne ki talqeen kee gayi hai.
- **Qiyaamat aur Allaah se mulaaqaat ki yaad dehaani;** ye cheez dilo ko narm karne waali hai. **Qaala Taala : (WA YAA QOUMI INNI AQAAFU ALAIKUM YOUMAL TANAAD)** (Ghafir), lafz (istenaad) qiyaamat ki sifat bayaan karne ke liye laaya gaya taake bataye ke kaise log ek doosre ko pukaarenge aur kaisa nafsaa nafsi ka aalam hoga. **Qaala Taala : (YOUMA TUWALLOONA MUDBIREENA MAA LAKUM MINALLAHI MIN AASIMIN WA MAN YUZLILILLAHU FAMA LAHU, MIN HAAD)** (Ghafir). **Qaala Taala : (WA YAA QOUMI MAALI AD'OOKUM ILAN NAJAATI WA TAD'OONANI ILANNAAR. YAD'OO NANI LI**

AKFURA BILLAHI WA USHRIKA BIH, MAA LAISA LEE BIH, ILMUN WA ANAA AD'OOKUM ILAL AZEEZIL GHAFAR) (Ghafir), jab qoum ko har mumkin samjhaaya to aakhir kaar apne maamle ko Allaah ke hawaale kiya. Qaala Taala : **(LAA JARAMA ANNAMAA TAD'OONANI ILAIHI LAISA LAHU, DAAWATUN FID DUNYA WALA FIL AAKHIRATI WA ANNA MARADDANAA ILALLAHI WA ANNAL MUSRIFEENA HUM AS HAABUNNAAR. FASA TAZ KUROONA MAA AQOOLU LAKUM, WA UFAWWIZU AMRI ILALLAHI, INNALLAHA BASEERUM BIL IBAAD)** (Ghafir) Allaah ki jaanib se fouran radd bhi aaya. Qaala Taala : **(FAWAQAAHU ALLAHU SAYYI'AATI MAA MAKAROO WA HAAQA BI AALI FIR'OUNA SOO'UL AZAAB)** (Ghafir). Fir Moosa ne rab ki panah maangi. Qaala Taala : **(WA QAALA MOOSA INNI UZTU BI RABBI WA RABBIKUM MIN KULLI MUTAKABBIRIL LAA Y'U MINU BI YOUMIL HISAAB)** (Ghafir)

- Ek daayee ke ausaaf kya hone chahiye? Wo kis tarah baat kare? Isteqaamat, Himmat, ka muzahirah hikmat ke saath kaise kare? Bade surm'aon ke paas kaisa Islam pesh kare? Tawakkal ka aalaa mee'aar kaisa rahna chahiye? Ye sab kuch is soorat me bataya gaya hai. Soorah Momin har daa'ee ko padhna zaroori hai.

Munasibat / Latayef Tafseer

- Maidaan jung ke haalaat ki peshgi khabar ki jo kaifiyat hoti hai aur fir dauraan maidaan jung ki jo kaifiyat taari rahti hai, bilkul isi tarah daawati maidaan me jab haq wa baatil ka takraav ka marhala hota hai us waqt ye "saat haa meem waali sooraten"

insaan ke liye tasalli karti hai. Isme aise hi taareeqi waakhiyaat ke zariye tasalli dee gayi hai.

Unit no 9 :

Choubeeswaan para soorah Ghafir / Mumin, soorah no 40 ki aayat no 1 se lekar 6 ek muqaddama ki tarah hai, isme bataya jaa raha hai ke, kuffar wa mushrikeen ka ro'ub aur dabdabaa ke saath chalna firna, maal wa daulat ki rel pel kisi ko dhoke me na daal de aur is wajah se eemaan kamzor na ho jaaye, haalan ke ye bhi haqeeqat se par hai ke, bil aakhir ahle eemaan hi kaamyaaab wa sar khuroo honge.

Unit no 9 : Ke Mauzoo'aat

- Quraan Allaah ka kalaam hai, aur Allaah ki sifaat (1-3)
- Saabiqa ummaton ki takzeeb aur unka anjaam (4-6)

Unit no 10 :

Choubeeswaan para soorah Ghafir / Mumin, soorah no 40 ki aayat no 7 se lekar 9 me bataya jaa raha hai ke, Allaah Taala ke hukum se farishte musalmaano ki madad karte hai aur unke liye dua'yen karte hai.

Unit no 10 : Ke Mauzoo'aat

- Haamileen arsh aur unka momino ke haq me dua karna (7-9)

Unit no 11 :

Choubeeswaan para soorah Ghafir / Mumin, soorah no 40 ki aayat no 10 se lekar 12 me bataya jaa raha hai, mushrikeen ka anjaam bahut hi bura hoga aur siwaaye nadaamat ke unke haath kuch na aayega.

Unit no 11 : Ke Mauzoo'aat

- Mushrikeen ke anjaam ka bayaan.

Unit no 12 :

Choubeeswaan para soorah Ghafir / Mumin, soorah no 40 ki aayat no 13 se lekar 17 me Allaah ki sifaten bayaan kee gayi hai.

Unit no 12 : Ke Mauzoo'aat

- Allaah ki Asma wa Sifaat ka bayaan.

Unit no 13 :

Choubeeswaan para soorah Ghafir / Mumin, soorah no 40 ki aayat no 18 se lekar 22 me qiyaamat ke marahil bayaan kiye gaye hai aur logon alag alag qasmen ka zikar kiya gaya hai, isi bunyaad par Allaah Taala unke darmiyaan adl qaayam karenge.

Unit no 13 : Ke Mauzoo'aat

- Qiyaamat ke marahil aur Allaah Taala ke adl ka bayaan.

Unit no 14 :

Choubeeswaan para soorah Ghafir / Mumin, soorah no 40 ki aayat no 23 se lekar 50 me deen ke daa'eeon ki sifaat bayaan kee gayi hai.

Unit no 14 : Ke Mauzoo'aat

- Qissa Moosa Alaihissalaam Fir'oun, Haamaan aur Qaaroon (23-27)
- Rajal momin ka qissa (28-46)

Unit no 15 :

Choubeeswaan para soorah Ghafir / Mumin, soorah no 40 ki aayat no 51 se lekar 55 me bataya jaa raha hai ke, Allaah Taala ne momino ki madad wa nusrat ka waada kiya hai.

Unit no 15 : Ke Mauzoo'aat

- Momino ki madad wa nusrat ka bayaan.

Unit no 16 :

Choubeeswaan para soorah Ghafir / Mumin, soorah no 40 ki aayat no 56 se lekar 59 me mushrikeen ke shirk ki wajah bayaan kee jaa rahi hai, aur ye bataya jaa raha hai ke, unke takabbur ne unko deen haq ko qubool karne se roke rakha hai.

Unit no 16 : Ke Mauzoo'aat

- Mushrikeen ke shirk ki wajah ka bayaan.

Unit no 17 :

Choubeeswaan para soorah Ghafir / Mumin, soorah no 40 ki aayat no 60 se lekar 68 me misaalon ke zariye se momino ko hidayat ki taraf rahnumaayi kee jaa rahi hai aur saabir qadam rahne ki targheeb dee jaa rahi hai.

Unit no 17 : Ke Mauzoo'aat

- Momino ki hidaayat aur rahnumaayi ka bandobast.

Unit no 18 :

Choubeeswaan para soorah Ghafir / Mumin, soorah no 40 ki aayat no 69 se lekar 77 me bataya jaa raha hai ke aakhirat me mushrikon ko badtareen azaab se guzara jaayega, yahaan par us azaab ki manzar kashi kee jaa rahi hai.

Unit no 18 : Ke Mauzoo'aat

- Aakhirat me mushrikon ke azaab ki nauviyat ka bayaan.

Unit no 19 :

Choubeeswaan para soorah Ghafir / Mumin, soorah no 40 ki aayat no 78 se lekar 85 me Allaah ke Nabi ﷺ aur momino ko tasalli dee jaa rahi hai aur itminaan diya jaa raha hai aur saabeqa ummaton ki misaalen bayaan kee jaa rahi hai.

Unit no 19 Ke Mauzoo'aat

- Rasoolullah ﷺ ko sabr ki talqeen yahaan tak ke Allaah ka amr aa jaaye (77-78)
- Kaafiron ka bura anjaam, azaab dekhne par eemaan laana koyi faayda nahi dega (82-85)

SOORAH FUSSILAT / HAAM MEEM SAJDAH

Explained in Detail

Khol khol kar bayaan karne waali

Maqaam Nuzool – Makkah

Baaz Ahdaaf

- Risaalat ka sawaal kiya jaayega. Tumhari duty hai sachcha paighaam sab ko pahuchaana, kya waajibaat hai aur kin cheezon se bachna hai.
- Is soorat ka naam fussilat isliye rakha gaya hai ke isme har cheez tafseel se bayaan kee gayi hai aur Allaah Taala ki qudrat wa wahdaaniyat ke dalayel ko waazeh kiya gaya, uske wajood wa azmat wa Rab par qatayi dalayel bayaan kiye gaye.
- Aur isme Allaah ka insaaniyat se vaada bhi bayaan kiya gaya ke aakhri zamane me duniya me israar wa ramoz se waaqif karayega taake Quraan ki sachchayi manzare aam par aaye.
- Lekin ye us waqt hoga jabke uski naazil kardah kitaab ki roushni me uski azeem kaaynaat par ghour wa tadabbur karen.
- Tawheed ke dalayel par roushni daali gayi (mazed tafseel ke liye is kitaab ko zaroor padhe. Dalayel Tawheed : Muhammad Bin Abdul Wahaab)

Munasibat / Latayef Tafseer

- Saare “Haameem” waali sooraten tawheed ka asbaat aur difa se taallukh hai, tawheed ki muqaalifat karne waalon ka sabr wa tahammul ke saath kaise jawaab diya jaaye bataya gaya aur muqaalifeen ke kirdaar ko bataya gaya.
- Soorah Mumin me saabeqa qoumon ke jidaal, jabke Soorah Fussilat me wazaahat ke saath kuffar quraish ke saath jidaal ki jhalkiyaan pesh kee gayi.

Unit no 20 :

Choubeeswaan para soorah Fussilat / Haa Meem Sajda, soorah no 41 ki aayat no 1 se lekar 8 me Quraan Majeed ka ta’arruf pesh kiya gaya, mushrikeen ka _____ amal bataya gaya aur unki soch jo naa kaam ho chuki thi vo batayi gayi, iske baad Allaah ke Nabi ﷺ ki sifaat bayaan kee gayi aur Aap ﷺ ki zimmedaariyaan batayi gayi.

Unit no 20 : Ke Mauzoo’aat

- Quraan aur uska task (1-4)
- Quraan ke baare me mushrikon ka khayaal, iska jawaab aur unka azaab (5-7)

Unit no 21 :

Choubeeswaan para soorah Fussilat / Haa Meem Sajda, soorah no 41 ki aayat no 9 se lekar 12 me Allaah Taala kaaynaat ki nishaaniyon ke zariye hujjat qaayam kar rahe hai aur aage bataya gaya ke Allaah ke Nabi ﷺ ki daawat sachchi hai.

Unit no 21 : Ke Mauzoo’aat

- Qissa taqleeq, Allaah ke wajood aur uski qudrat ke dalayel (9-12)

Unit no 22 :

Choubeeswaan para soorah Fussilat / Haa Meem Sajda, soorah no 41 ki aayat no 13 se lekar 18 me ye bataya jaa raha hai ke mushrikeen haila saazi aur bahaane baazi ke zariye Allaah ke Nabi ﷺ ki daawat se muh mod rahe the, jaisa ke saabiqa qoumon ka haal tha aur isi kufr ki wajah se in qoumon par azaab naazil kiye gaye, kuffar quraish in tamaam waakhi'aat se bakhoobi waaqif the, isi wajah se unko in waaqi'aat ke zariye deen ki daawat dee jaa rahi thi.

Unit no 23 :

Choubeeswaan para soorah Fussilat / Haa Meem Sajda, soorah no 41 ki aayat no 19 se lekar 24 me kuffar wa mushrikeen ke anjaam ka zikar kiya jaa raha hai aur ye bataya jaa raha hai ke, Allaah Taala ne unko har taraf se gher rakha tha air qiyaamat ke din unki khaal gawahi degi aur unke aamaal un par palat diye jaayenge.

Unit no 23 : Ke Mauzoo'aat

- Mushrikon ke anjaam ka zikar aur unki khaal ke gawahi dene ka bayaan.

Unit no 24 :

Choubeeswaan para soorah Fussilat / Haa Meem Sajda, soorah no 41 ki aayat no 25 se lekar 29 me bataya jaa raha hai ke kuffar wa mushrik apni zid aur ananiyat par jame rahe aur deen ki daawat ko qubool karne

se inkaar kar diya aur unhone Allaah ke Nabi par zulm wa sitam ke har harbe ko aazmaaya hatta ke qatl tak bhi pahuch gaye.

Unit no 24 : Ke Mauzoo'at

- Mushrikeem Makkah ki zid hat dharmi ka bayaan.

Unit no 25 :

Choubeeswaan para soorah Fussilat / Haa Meem Sajda, soorah no 41 ki aayat no 30 se lekar 36 me bataya jaa raha hai ke Makkah ke mushkil tareen haalaat me farishte naazil hote aur Allaah ke Nabi ﷺ aur Sahab Kraam Raziallahuanhum ko tasalli dete, unke dilon se qouf ko door karte, unke liye dua karte aur unko sabr ki talqeen karte.

Unit no 25 : Ke Mauzoo'at

- Daawat Ilallah ke aadaab wa fazayel (33-36)

Unit no 26 :

Choubeeswaan para soorah Fussilat / Haa Meem Sajda, soorah no 41 ki aayat no 37 se lekar 40 me kaaynaat ki nishaaniyaan afaaq wa anfus ki nishaaniyaan bayaan kee aur unke zariye hujjat aur dalayel qaayam kee gayi.

Unit no 26 : Ke Mauzoo'at

- Afaaq wa anfus ki nishaaniyon ke zariye hujjat ka bayaan.

Unit no 27 :

Choubeeswaan para soorah Fussilat / Haa Meem Sajda, soorah no 41 ki aayat no 41 se lekar 46 me me Quraan Majeed ki sifaat bayaan kee gayi aur kaha gaya ke na usme kami kee jaa sakti hai aur na hi usme izafa kiya jaa sakta hai, kyu ke ye Quraan Allaah Hameed aur Hakeem ki jaanib se naazil kiya gaya hai.

Unit no 27 : Ke Mauzoo'at

- Quraan ke khilaaf mulhadeen kuch kahne se baaz aa jaayen.
Quraan ki taaseer (40-44)
- Moosa Alaihissalaam aur Tawraat (45-46)